

巴陵縣志卷之三

輿地志三 沿革

岳州府

在布政使司東北三百二十里東西距三百八十里南

北距三百四十里東至湖北武昌府通城縣界二百里

西至澧州安鄉縣界一百八十里南至長沙府瀏陽縣界二百里

九十里北至湖北荊州府監利縣界三十里東南至江西南昌府

甯州界三百六十里西南至常德府龍陽縣二百十五里東

北至武昌府嘉魚縣界二百十里西北至荊州府石首縣界二

百里自府治至京師四千二

百五十里据大清一統志

禹貢荊州之域為三苗國地

通典今長沙衡陽皆古之三苗國

春秋時屬楚亦為麋羅二國地

顧棟高春秋大事表有楚地不到湖南論麋辨見後

戰國屬楚

秦為長沙郡地

巴陵縣志

卷之三

漢屬長沙國

漢書長沙國領臨湘羅連道益陽下雋攸鄴承陽湘南昭陵茶陵容陵安成

後漢因之据後漢書長沙郡領同上有醴陵無承陽

三國屬吳

晉始置巴陵縣屬長沙郡

晉書地理志長沙郡領臨湘攸下雋醴陵劉陽建甯吳昌羅蒲圻巴陵太

平寰宇記引吳錄云晉分長沙之巴陵等六縣置建昌郡在巴陵按今州即晉建昌郡也以陶侃鎮之後省入長沙至宋文帝又分其地置巴陵郡

宋元嘉十六年分長沙置巴陵郡屬湘州尋屬郢州

宋書元嘉十六年分長沙之巴陵蒲圻下雋江夏之沙陽四縣立巴陵郡屬湘州孝武孝建元年割南郡之監利州陵度江夏屬郢州二年又度長甯之綏安屬巴陵宋志湖州刺史下建昌郡晉惠帝元康九年分長沙東北下雋諸縣立成帝咸康元年省齊因之齊書郢州鎮夏口巴陵郡有下雋州陵巴陵監利

梁兼置巴州

太平寰宇記元帝都荆州別立巴州領巴陵郡一統志梁置羅巴二州羅州治岳陽巴州治巴陵

隋平陳郡廢改巴州曰岳州大業初

寰宇記作煬帝元年

又改羅州尋

寰宇

記作

曰巴陵郡

寰宇記十三年郡人董景珍等以羅縣令蕭銑為主起兵於此

壬申志梁又於湘陰置岳陽

縣及羅州陳廢州隋平陳廢郡及湘陰入岳陽縣置玉州尋改岳陽為湘陰廢玉山縣入焉十二年廢玉州改州曰岳州移治

巴陵此巴陵為岳陽之始

唐武德四年復為巴州六年仍曰岳州天寶元年改為巴陵郡

乾元元年復曰岳州屬江南西道

舊唐書武昌節度使治鄂州管鄂岳黃安申光等州岳州

隋巴陵郡武德四年平蕭銑置巴州領巴陵華容沅江羅湘陰

五縣六年改為岳州省羅縣天寶元年改為巴陵郡乾元元年

復為岳州

五代屬楚後屬周行逢

巴陵縣志

卷之三

輿地志三沿革

二

宋曰岳州巴陵郡岳陽軍屬荆湖北路紹興二十五年改曰純

州華容軍三十一年復故

寰宇記屬江南西道宋史地理志荆湘南北路岳州巴陵郡岳陽軍節度

本軍事州宣和元年賜軍額建炎間岳鄂二州各帶沿江管內安撫司公事紹興二十五年改州曰純改軍曰華容三十一年

復舊縣四巴陵華容平江臨湘

元至元十二年為岳州路屬湖廣行省

元史地理志岳州路唐巴州又改岳州宋為岳

陽軍元至元十二年歸附十三年立岳州路總管府領錄事司一巴陵臨湘華容縣三平江州一

明洪武二年改為岳州府旋降為州十四年復為府隸湖廣布

政使司

明史地理志湖廣岳州府太祖甲辰年為府洪武九年四月降為州直隸布政司十四年正月復為府領州一

縣七

國朝因之康熙三年屬湖南布政使司雍正七年升澧州為直

隸州割安鄉石門慈利三縣屬之今府領縣四巴陵附郭

巴陵縣附郭東西距二百五十里南北距一百五十里東至

里南至長沙府湘陰縣界一百二十里西至華容縣界一百二十

界三十里東南至平江縣治二百四十里西南至湘陰縣治二

百四十里東北至臨湘縣治七十里西北至監利縣治百五十里

漢長沙郡下雋縣地壬申志按漢書地理志長沙國縣十三臨

雋攸鄴承陽湘南昭陵茶陵容陵安成後漢志長沙郡十三城

臨湘攸茶陵安成鄴湘南連道昭陵益下雋羅醴陵容陵晉

志長沙分爲三郡長沙有臨湘攸下雋醴陵劉陽建甯吳昌羅

蒲圻巴陵衡陽郡有湘鄉重安湘南湘西丞陽衡山連道新康

益陽云云蓋郡縣滋多於是矣而巴陵一縣又出下雋之外則

分置也又出蒲圻疑亦下雋之分宋志巴陵太守文帝元嘉十

六年分長沙之巴陵蒲圻下雋江夏之沙陽四縣立屬湘州蓋

巴陵卽今縣下雋當今臨湘也太平寰宇記曰今臨湘崇陽通

城皆下雋也梁大同五年於下雋縣置上雋郡乃分爲樂化縣

承聖三年改爲雋州隋開皇九年廢州省樂化下雋入蒲圻据

巴陵縣志卷之三

此則古下雋縣境甚爲廣闊黠吐黠黠疑今縣南地十三四

五七等都或入羅縣而湖西近監利華容諸村里或入南郡之

屏陵也又後漢建武二十五年馬援討五溪蠻軍次下雋胡三

省通鑑注引宋白說指爲岳州巴陵縣在今鄂州蒲圻縣界今

按宋白所云在蒲圻縣界者蓋分置巴陵後下雋當今臨湘也

若建武時下雋正當在今巴陵馬援傳援軍次下雋有兩道可

入從壺頭則路近而水險從充則途夷而運遠援蓋至洞庭後

議所從入道也壺頭當由今龍陽武陵充道當由今澧州慈利

故議之於此又晉太安二年陶侃等屢破江沔賊張昌逃於下

雋山則當在今臨湘崇陽間耳水經注江之右岸得蒲磯口卽

陸口也水出下雋縣西三山谿其水東逕陸城北又東逕下雋

南故長沙舊縣王莽之閏雋也觀此益知晉宋下雋之在臨湘

晉太康元年置巴陵縣仍屬長沙郡

水經注巴邳山在湘水右

巴邳邳閻城也晉太康元年立巴陵縣於此後置建昌郡太平

寰宇記巴陵舊五鄉今一鄉本漢下雋縣之巴邳地漢下雋縣

在今鄂州蒲圻縣界此卽其地吳爲巴

陵縣吳錄地理志巴邳縣屬長沙郡

宋元嘉十六年為巴陵郡治宋書州郡志巴陵男相晉武帝太  
立郡齊因之康元年立屬長沙本領度支校尉

梁為巴州治  
隋為巴陵郡治

唐為岳州治舊唐書地理志巴陵漢下雋縣屬長沙郡吳置巴

武德置岳州皆置巴陵縣晉置建昌郡隋改為巴州煬帝改為巴陵郡

南有巴邱山又有君山在洞庭湖中大江在西北洞庭湖上納

赤沙湖謂之三湖沅漸无辰叙西澧資湘九水皆匯於

此亦名九江東南有澱湖亦名翁湖南有鹿角巡檢司

壬申志杜佑通典巴陵古麋子國地岳陽風土記曰麋有東西

二城春秋楚昭王城麋即此明統志麋城在縣東南三十里按

麋城今無所見杜注於文十一年曰國名定五年曰地名蓋以

吳師所居及王孫由于所築必為楚地故別之而後人以巴陵

巴陵縣志 卷之三

輿地志三沿革 四

有麋城即為由于所築又疑非也考左傳吳入郢之役所戰柏  
舉則今麻城雍澁在京山大隧直轄冥阨在信陽州清發則安  
陸涓水軍祥今隨州他如豫章大別小別皆漢北地距岳或六  
七百里或八九百里吳楚何緣對壘巴陵耶麋國亡滅無所見  
大抵春秋之末已并於楚吳師所居由于所城仍當在故麋國  
地其因徙人而名地或同羅遷之例故巴陵有其名又按巴陵  
有微水有大小微湖俗呼微如麋鹿之麋水經湘水又北過下  
雋縣西微水從東來注之酈道元注湘水左則沅水注之謂之  
橫房口東對微湖世或謂之麋湖也右屬微水即經所謂微  
水逕下雋者也西流注於江謂之麋湖也酈注兩稱麋湖口  
字皆作麋春秋築微微一作郟郟麋微蓋同音周時微盧彭濮  
皆近漢中麋國或即微其字從禾者或本從米巴陵麋城若以  
水得名則又未必為  
春秋之麋國遷矣